

Cofnodion o sesiynau galw heibio i rieni

- Ysgol Gynradd Allensbank (15 Mehefin 2023)
- Ysgol Gynradd Gladstone (14 Mehefin 2023)
- Ysgol Gynradd yr Eglwys yng Nghymru Santes Monica (13 Mehefin 2023)
- Ysgol Mynydd Bychan (09 Mehefin 2023)



**Rhaglen Ysgolion
Cofnod Sesiwn Galw Heibio i Rieni
Ysgol Gynradd Allensbank
15 Mehefin 2023 am 2pm**



Yn bresennol: Brett Andrewartha (CTY), Rosalie Phillips (CTY), Ceri Tanti (CTY), Ian Warburton (CTY), Jo Phillips (CTY), rhieni Allensbank

Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.

Croeso a Chyflwyniadau

Agorodd Brett Andrewartha y sesiwn a chroesawu'r rhieni. Yma fel rhan o ymgynghoriad cyhoeddus ar newidiadau arfaethedig i ysgolion cynradd sy'n gwasanaethu'r ardal.

Dywedodd fod tri safle ysgol, pum adeilad a llawer o opsiynau posibl i'w had-drefnu, ac y bydd Cabinet y Cyngor yn penderfynu ar y tri opsiwn yr ymgynghorir arnynt gyda'r rhesymau dros hyn wedi'u nodi yn y ddogfen ymgynghori.

Mae lleoli darpariaeth cyfrwng Saesneg ar safle Ysgol Gynradd Gladstone/Ysgol Gynradd yr Eglwys yng Nghymru Santes Monica, yn darparu dosbarthiad mwy priodol o leoedd cyfrwng Saesneg ar gyfer rowndiau derbyn cyfredol a'r dyfodol ar y cyfan.

Mae'r galw am addysg cyfrwng Cymraeg wedi'i ganoli yn rhan ogleddol Ysgol Mynydd Bychan, yn agos i safle presennol Ysgol Mynydd Bychan ac Allensbank gyda phellteroedd teithio sylweddol i ysgolion Cymraeg amgen; mae galw mawr am leoedd mewn ysgolion Cymraeg yn y gogledd hefyd.

Gofynnodd BA a oedd y rhieni a oedd yn bresennol wedi darllen y ddogfen ymgynghori a chrynhoi'r newidiadau arfaethedig.

Holi ac Ateb

Gwahoddodd BA gwestiynau gan y rhieni.

Nodir y cwestiynau a ofynnwyd/sylwadau a wnaed gan y rhai a fynychodd y cyfarfodydd mewn *llythrennau italig* isod gydag ymateb y swyddog yn syth oddi tanynt.

A oes opsiwn a ffefrir?

Gofynnodd y Cabinet i'r ymgynghoriad gynnwys y tri opsiwn a byddai'n barod i weithredu unrhyw un o'r tri hyn neu efallai mai'r penderfyniad fydd peidio â symud ymlaen ag unrhyw un o'r opsiynau.

Pa mor debygol yw gweithredu un o'r opsiynau?

Mae'r Cyngor wedi ymgynghori o'r blaen ar gynnig na chafodd ei ddatblygu. Gallai'r Cabinet benderfynu peidio â symud ymlaen ag unrhyw un o'r opsiynau presennol, gan ofyn am gymaint o adborth â phosibl.

Beth yw'r gwahaniaeth rhwng Opsiwn 1 ac Opsiwn 2?

Sut mae'r cynigion o fudd i addysg?

Esboniwyd yr opsiynau.

Yn gyffredinol, mae cyllid ar gyfer ysgolion mwy yn fwy cynaliadwy, gall rheoli a datblygu staff fod yn well. Mae llai o ddyblygu rolau, e.e. pennaeth a dirprwy a rhai staff eraill, a chyfran is o'r gyllideb yn cael ei gwario ar gostau sefydlog, sy'n golygu bod modd neilltuo mwy o adnoddau'r ysgol i'r disgyblion ac addysg.

Sut byddai Opsiwn 1 yn effeithio ar staff?

Corff llywodraethu'r ysgol newydd fyddai'n gyfrifol am ddatblygu'r strwythur staffio a phenodi'r uwch dîm arwain a staff. Byddai rolau'r Pennaeth a'r Dirprwy Bennaeth yn destun hysbyseb genedlaethol a byddai'r holl swyddi eraill wedi'u neilltuo i staff presennol yn gyntaf; mae niferoedd disgyblion yn gostwng, ac nid yw rhai contractau dros dro yn cael eu hadnewyddu; efallai y bydd staff yn penderfynu gadael hefyd. Yn gwerthfawrogi bod y sefyllfa yn peri straen.

A yw pob aelod o staff yn cael eu cynrychioli, e.e. cynrychiolaeth undeb?

Ydyn, ymgynghorwyd ag undebau fel rhan o'r broses ac maent wedi mynychu cyfarfodydd gyda staff; mae Adnoddau Dynol yn darparu cymorth ac yn gweithio'n uniongyrchol gydag ysgolion. Mae'r sefyllfa ar gyfer ysgolion sydd â llai na 210 o ddisgyblion yn heriol gyda chyfran lai o'r gyllideb yn cael ei gwario ar addysgu a dysgu, fodd bynnag, nid yw sefyllfa diffyg yn y gyllideb yn unigryw i ysgolion bach. Mae Opsiwn 1 yn caniatáu sefydliad mwy effeithlon gydag arweinyddiaeth symlach, cyfran is o gostau sefydlog a mwy o adnoddau ar gael ar gyfer addysgu a dysgu.

Bydd dalgylch Ysgol Mynydd Bychan yn cael ei ehangu i gynyddu nifer y disgyblion; pam na ellid gwneud hyn i Allensbank er mwyn cynyddu hyfywedd?

Nid yw newidiadau i ddalgylchoedd yn rhan o'r ymgynghoriad ond nid ydym yn dweud na fydd newidiadau yn y dyfodol. Mae gan Allensbank fwy na 30 o ddisgyblion y flwyddyn yn ei ddalgylch ond does dim digon yn mynychu'r ysgol. Mae rhai plant yn y dalgylch yn mynychu ysgolion eraill, e.e. mae ysgol arall yn agosach. Mae dalgylchoedd cyfrwng Cymraeg yn fwy oherwydd bod llai o ysgolion. Dalgylch Ysgol Mynydd Bychan yn ymestyn o Gabalfa i Heol Casnewydd. Ychydig iawn o blant o ran dde'r dalgylch sy'n mynychu'r ysgol gyda'r mwyafrif helaeth sy'n datgan ffafiaeth i'r ysgol yn byw yn ardal ogleddol y dalgylch; sefyllfa lle nad oedd modd derbyn plant i Ysgol Mynydd Bychan ond nad oeddent yn gallu cael lle yn un o'r ysgolion Cymraeg eraill yn y gogledd. Mae poblogaeth y dysgwyr yn gostwng ar hyn o bryd ac efallai y bydd angen ail-gydbwyso dalgylchoedd gydag Ysgol Glan Ceubal yn gofyn am ddalgylch mwy. Mae Llywodraeth Cymru wedi gosod targedau i gynghorau gynyddu nifer y lleoedd cyfrwng Cymraeg.

Pryder bod sail resymegol y cynigion yn seiliedig ar ddarparu lleoedd ac nid ar eu llenwi. Mae'r ysgol yn adlewyrchu'r gymuned leol amrywiol a byddai'n drist i hyn fod yn ddiwedd Allensbank; amlddiwylliannol gan gynnwys y Gymraeg.

Dau o blant yn Allensbank a thrydydd plentyn rhywle arall, sy'n sefyllfa anodd; plant yn addasu i amgylchedd gwahanol ac wedi setlo nawr.

Mae Allensbank yn cynrychioli'r gymuned leol amrywiol fel y mae Ysgol Gynradd Gladstone ac Ysgol Gynradd yr Eglwys yng Nghymru Santes Monica; er nad yw Ysgol Mynydd Bychan mor amrywiol, bu opsiwn i deuluoedd symud i mewn ac allan o ysgolion cyfrwng Saesneg ond ni fu hyn yn wir yn yr ysgolion cyfrwng Cymraeg.

All plant drosglwyddo i gyfrwng y Gymraeg mewn grwpiau blwyddyn hŷn? Doeddwn i ddim yn meddwl y gallen nhw.

Gall plant drosglwyddo i'r Gymraeg mewn grwpiau blwyddyn hŷn ac amlinellwyd y broses drochi ar gyfer gwneud hynny.

Sut byddai Ysgol Mynydd Bychan yn dyblu o ran maint os nad oes digon o staff?

Nid yw hyn yn broblem ar lefel gynradd yng Nghaerdydd ar hyn o bryd, fodd bynnag, mae materion yn ymwneud â chymorth Cynorthwydd Addysgu ac arbenigwyr pwnc yn yr uwchradd. Cyfrifoldeb Llywodraeth Cymru yw sicrhau bod system ar waith ar gyfer cynyddu'r gweithlu cyfrwng Cymraeg.

Pam mae pwyslais ar y Gymraeg gan Lywodraeth Cymru? Ddim yn meddwl bod y mater wedi ei ystyried gan mai polisi cenedlaethol ydyw ac yna mae'r Cyngor yn neidio; fydd neb yn poeni yn Allensbank, y targed yw lleoedd nid disgyblion.

Mae arian ychwanegol ar gael ar gyfer addysg cyfrwng Cymraeg. Methu cael lle mewn ysgolion cyfrwng Saesneg yn yr Eglwys Newydd ac angen mwy o ddarpariaeth cyfrwng Saesneg yn yr ardal honno nid cyfrwng Cymraeg.

Roedd gordanysgrifio o 6 yn Ysgol Mynydd Bychan y llynedd a'r cynnig yw cynnydd o 210 o leoedd.

Targed Llywodraeth Cymru i gynyddu o 18% i 25-29% yng Nghaerdydd erbyn 2031. Nid oes gan Gaerdydd ddigon o leoedd i gyrraedd y targed hwnnw heb ehangu'r ddarpariaeth. Mae Ysgol Melin Gruffydd, yn yr Eglwys Newydd, ac Ysgol Glan Ceubal ill dau wedi'u tanysgrifio'n llawn yn y Meithrin a'r Derbyn ym mis Medi 2023.

Cynllun i orfodi pobl i addysg cyfrwng Cymraeg.

Edrych ar y cynnydd canran, nid o reidrwydd niferoedd y disgyblion. Ymgynghorwyd â Chynllun Strategol Cymraeg mewn Addysg y Cyngor ac edrych ar dargedau

Meithrin/Derbyn, cadw plant mewn addysg cyfrwng Cymraeg, Anghenion Dysgu Ychwanegol, staffio a hyrwyddo addysg cyfrwng Cymraeg.

Mae hwn yn gynnig sy'n cael ei ysgogi gan bolisi yn hytrach na data.

Mae agwedd polisi ar y newidiadau arfaethedig ond mae angen i ni allu ateb y galw lleol i blant Ysgol Mynydd Bychan na allant gael eu derbyn. Mae'r ysgol wedi'i gordanysgrifio ers nifer o flynyddoedd.

Nid yw ysgolion cyfrwng Cymraeg wedi'u gordanysgrifio. Mae lleoedd cyfrwng Saesneg yn cael eu lleihau.

Ni fyddai nifer y lleoedd cyfrwng Saesneg yn cael eu lleihau o dan Opsiwn 1 nac Opsiwn 2 gyda gostyngiad bach yn unig o dan Opsiwn 3.

A fydd dangosydd perfformiad allweddol i Ysgol Mynydd Bychan gyrraedd targedau?

Mae targedau wedi'u cynnwys i'r Cyngor gynyddu'r nifer sy'n manteisio ar leoedd cyfrwng Cymraeg yn y Cynllun Strategol Cymraeg mewn Addysg. Mae gan ysgolion llai o faint lai o ddisgyblion a mwy o bwysau cyllidebol. Cynnig lle i 420 o ddisgyblion yn Ysgol Mynydd Bychan; mae'r lleoedd gwag yn adeiladau'r Allensbank wedi eu rheoli o'r blaen drwy ddarparu ar gyfer gwasanaethau eraill; mae cost i ysgolion am gynnal lleoedd gwag.

Mae £1.8 miliwn o gyllid ar gael ar gyfer addysg cyfrwng Cymraeg a hefyd llawer o leoedd gwag yn Ysgol Mynydd Bychan. Beth fydd yn digwydd os na fydd niferoedd Ysgol Mynydd Bychan yn tyfu, a fydd yr ysgol yn cael ei chynnal?

Mae cyllid ysgolion wedi'i seilio'n bennaf ar nifer y disgyblion a'r disgwyl yw y bydd yr ysgol yn tyfu dros amser. Mae grant cyfalaf o £1.8 miliwn yn canolbwyntio ar ehangu addysg cyfrwng Cymraeg; holwyd a ellid gwario'r arian ar addysg cyfrwng Saesneg ond dywedwyd nad oedd hyn yn bosibl.

Beth fydd yn cael ei wneud i gynyddu nifer y disgyblion yn Ysgol Mynydd Bychan? Beth fydd yn digwydd pan nad yw Ysgol Mynydd Bychan yn llenwi'r capasiti?

Byddem yn disgwyl i'r niferoedd yn Ysgol Mynydd Bychan dyfu'n raddol. Byddan nhw hefyd yn gallu cymryd camau i annog ceisiadau yn ehangach yn y dalgylch, gan y byddai ganddynt le i fwy o blant gael eu derbyn i'r ysgol.

Mae plant Aelod Lleol yn mynd i Ysgol Mynydd Bychan. Triniaeth deg ar gyfer addysg cyfrwng Saesneg a Chymraeg o dan Ddeddf yr Iaith Gymraeg. Mae Ysgol Mynydd Bychan mewn sefyllfa gadarnhaol, 99% Gwyn Prydeinig, nid yw hyn yn edrych yn dda ac mae'n teimlo fel hiliaeth: gan achosi rhaniad o fewn y gymuned. Mae'r ddogfen ymgynghori yn llawn plant gwyn.

Eglurwyd nad plant gwyn yn unig sydd yn y lluniau yn y ddogfen ymgynghori.

Mae materion o hyd yn ymwneud â rhannau o'r gymuned yn gallu ymgysylltu ac nid yw'n ddigon i gyfieithu gwybodaeth; nid oes dim wedi newid ac angen gofyn i bob cymuned beth fyddai'n helpu nid rhywun nad yw'n dod o'r cymunedau hyn.

Rydym wedi cytuno â'r ysgolion y gellid rhannu gwybodaeth drwy Class Dojo a Schoop. Roedd sesiynau galw heibio fel hyn yn cael eu cynnal ym mhob ysgol.

Beth yw'r buddion addysgol arfaethedig i unrhyw un o'r plant; mae effaith ar bob un.

Byddai'r buddion yn amrywio yn ôl yr opsiwn.

Beth am blant a fyddai'n mynd o ysgol 1DM i 2DM dros nos?

Mae rheoli cyllideb yr ysgol yn fater i'r corff llywodraethu, ond gall yr ysgol ddewis darparu cymorth ychwanegol ar gyfer dosbarthiadau, er enghraifft.

Amlinellwyd y broses ôl-ymgynghori. Yn amodol ar gytuno ar un o'r opsiynau i gael eu datblygu, byddai hysbysiad statudol yn cael ei gyhoeddi a fyddai'n caniatáu 28 diwrnod i wrthwynebiadau gael eu cyflwyno gyda phenderfyniad yn debygol ym mis Ionawr 2024.

A fyddai'r hysbysiad yn cael ei gyfieithu i ieithoedd cymunedol?

Byddai'r Cyngor yn trefnu i'r hysbysiad gael ei gyfieithu.

Bu sgaffaldau yn yr ysgol ers pum mlynedd.

Disgwylir i hyn gael ei dynnu i lawr mis Tachwedd/Rhagfyr 2023.

Mae pob opsiwn yn ffafrio Ysgol Mynydd Bychan. Pam nad oes opsiwn ar gyfer addysg cyfrwng Cymraeg ar safle Ysgol Gynradd Gladstone/Ysgol Gynradd yr Eglwys yng Nghymru Santes Monica?

Mae pob opsiwn yn ehangu Ysgol Mynydd Bychan. Mae'r Cabinet wedi cytuno ar yr opsiynau sy'n destun yr ymgynghoriad; mae tri safle ysgol a phum adeilad ac amrywiaeth o opsiynau posibl; edrychwyd ar ble mae'r disgyblion yn byw/dewisiadau; mae gwasgariad cyfrwng Saesneg yn gyson ar draws yr ardal gydag ychydig iawn yn dewis dod i'r de, wedi'i ganoli yn bennaf o amgylch ysgolion. Ar hyn o bryd mae'r galw cyfrwng Cymraeg yn fwy yn rhan ogleddol y dalgylch a safle Allensbank yw'r lleiaf aflonyddgar ar gyfer rhieni presennol/ yn cefnogi derbyniadau yn y dyfodol. Cydnabod nad yw'r ysgolion yn bell i ffwrdd o'i gilydd a gellid gofyn am ail-ymgynghori ar opsiwn gwahanol.

Dylai opsiwn Gladstone fod wedi ei gynnwys ar gyfer Ysgol Mynydd Bychan, rydyn ni'n teimlo ei bod yn annheg nad oedd yn rhan o'r ymgynghoriad.

Sut mae dewis opsiwn pan fydd y tri yn cynnwys symud Allensbank?

Mae croeso i bob ymateb, hyd yn oed os yw'n dweud nad ydych yn hoffi unrhyw un o'r opsiynau. Dywedwch pam. Nid yw'n refferendwm lle bydd yr opsiwn â'r nifer fwyaf o bleidleisiau yn cael ei ddatblygu. Bydd ystyriaethau eraill hefyd yn cael eu hystyried pan fydd penderfyniad yn cael ei wneud.

Pam nad oedd symud Ysgol Mynydd Bychan i safle Ysgol Gynradd Albany yn opsiwn? Mae yng nghanol dalgylch Mynydd Bychan.

Nid oedd Ysgol Gynradd Albany ymysg yr opsiynau gan fod maint yr ysgol yn cyfateb yn fras i'r galw am leoedd yn yr ysgol. Mae'r rhan fwyaf o'r disgyblion sy'n mynychu Mynydd Bychan yn byw yng ngogledd y dalgylch, does dim llawer o alw yn rhan ddeheuol y dalgylch.

A yw'r galw isel o dde'r dalgylch oherwydd bod yr ysgol yng ngogledd y dalgylch? Pe bai'r ysgol yn symud i Albany, efallai byddai mwy o ddisgyblion o dde'r dalgylch yn mynychu.

Mae rhai disgyblion yn ne'r dalgylch yn byw'n agosach i Ysgol Glan Morfa, sydd wedi'i dan-danysgrifio.

Pe bai'r ysgol yn symud i safle arall, ni fyddwn yn gallu defnyddio'r un gofal cofleidiol ac efallai y byddai'n rhaid i mi roi'r gorau i weithio. Mae ystyriaethau eraill i rieni.

Yn deall yr anawsterau y gall rhieni eu hwynebu os bydd yr ysgol yn symud i safle arall a gellir cynnwys unrhyw bryderon mewn ymatebion i'r ymgynghoriad. Os bydd un o'r cynigion yn mynd yn eu blaen, gellir ystyried sut y caiff gofal cofleidiol ei sefydlu wrth symud ymlaen.

Mae newidiadau yn y boblogaeth yn golygu y bydd angen llai o leoedd ysgol ar ddisgyblion felly efallai na fydd gan Ysgol Mynydd Bychan ddigon o ddisgyblion ar gyfer ysgol fwy.

Mae perygl na fydd nifer y disgyblion yn yr ysgol yn cynyddu, ond mae'r Cynllun Strategol Cymraeg mewn Addysg ar waith i dyfu nifer y teuluoedd sy'n manteisio ar addysg cyfrwng Cymraeg yng Nghaerdydd.

Daeth y cyfarfod i ben am 3pm



Rhaglen Ysgolion
Cofnod o Sesiynau Galw Heibio
Ysgol Gynradd Gladstone
14 Mehefin 2023 (AM a PM)



Yn bresennol: Brett Andrewartha (BA), Shirley Karseras (SK), Ian Warburton (IW), Ceri Tanti (CT), Rosalie Phillips (RP)

Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.

Sesiwn y bore

Daeth tua 20 o rieni ac aros am y sesiwn gyfan. Cofnodwyd y safbwyntiau canlynol:

- Hoffai rhieni i Gladstone aros fel mae hi. Mae'n ysgol dda, mae'r staff yn wych, mae'r disgyblion yn hapus, a doedden nhw ddim eisiau gweld y plant yn cael eu cynhyrfu gan unrhyw newid.
- Mae sawl cenhedlaeth o deuluoedd yn yr ardal wedi mynychu'r ysgol ac nid ydynt yn teimlo y dylai newid. Opsiwn 3 fyddai'r gorau.
- Mae gan yr ysgol agosatrydd â'i theuluoedd, ac ni fyddent eisiau i hyn newid.
- Roedd rhai rhieni'n poeni y byddai maint dosbarthiadau yn rhy fawr drwy'r uno a nodwyd yn Opsiwn 1, gan nad oeddent wedi sylweddoli y byddai staff ychwanegol ac roedd rhyddhad pan eglurwyd manylion staffio.
- Opsiwn 2 fyddai orau gan na fyddai hyn yn arwain at unrhyw newidiadau i staff addysgu.
- Byddai pob opsiwn yn iawn gan y byddai plant yn dal i gael addysg dda.
- Roedden nhw'n deall bod angen ehangu darpariaeth cyfrwng Cymraeg yn yr ardal ac yn cefnogi'r elfen hon o'r cynnig.
- Mae darpariaeth cyfrwng Saesneg yn bwysig i lawer o deuluoedd sydd wedi dod o dramor i astudio neu weithio yng Nghaerdydd. Roedden nhw'n hoffi'r ffaith y byddai hyn yn dal i gael ei gynnis ar y safle presennol o dan unrhyw un o'r 3 opsiwn.
- Roedden nhw'n teimlo y byddai lleihau lleoedd cyfrwng Saesneg yn effeithio'n negyddol ar y rhieni hyn sydd am i ail iaith eu plant fod yn Saesneg, nid Cymraeg.
- Roedd rhai yn teimlo ei bod yn bwysig nad oedd y staff yn newid fel na fyddai eu plant yn cynhyrfu.
- Roedd rhai yn teimlo bod lleoliad yr ysgol yn bwysig ar gyfer cymudo o'r cartref i'r ysgol. Roedden nhw'n hoffi'r ffaith y byddai eu plant yn mynychu'r un safle daearyddol o dan unrhyw un o'r 3 opsiwn.
- Roedd rhai rhieni yn teimlo y byddai'n anodd iawn hwyluso 420 o ddisgyblion ar y safle presennol a rennir ar adegau gollwng a chasglu.
- Dywedodd un rhiant y gallai fod potensial ar gyfer digwyddiadau pellach rhwng disgyblion pe bai'r ysgol yn ehangu o 1DM i 2DM.
- Roedden nhw'n teimlo bod parhad y staff a'r Pennaeth yn bwysig iawn ar gyfer lles emosiynol rhai disgyblion sydd wedi profi rhyfel cyn symud i Gymru.
- Roedd yr ysgol yn gweithio'n dda; mae'r pennaeth a'r staff yn wych ac nid oes angen newid.

- A oes opsiwn i newid dim?
- Nid yw'n helpu i gael newid cyson yn yr ysgol ac ychwanegu heriau ychwanegol.
- Pam nad oedd opsiwn i Gladstone symud i safle Allensbank?

Sesiwn y Prynawen

Daeth tua 20 o rieni ac aros am ran fwyaf y sesiwn. Cofnodwyd y safbwyntiau canlynol:

- Gofynnodd nhw a fyddai Allensbank yn defnyddio adeilad Santes Monica o dan Opsiwn 2. Roedd ganddyn nhw fân amheuan o ran sut y gallai hyn weithio'n ymarferol pan eglurwyd y byddai adeilad Santes Monica yn rhy fach i ddarparu ar gyfer holl ddisgyblion Allensbank.
- Roedd un rhiant o'r farn mai Opsiwn 1 oedd yr ateb gorau.
- Dywedodd rhiant arall fod Opsiwn 1 yn ymddangos yn synhwyrol yn y tymor hir, ond yn teimlo mai dyma'r opsiwn mwyaf aflonyddgar.
- Mae rhieni wedi dewis Gladstone dros ysgolion eraill oherwydd pa mor hygyrch a chefnogol yw'r staff. Roedden nhw'n pryderu y byddai'r ysgol yn colli'r ansawdd hwn o dan Opsiwn 1.
- Nid oedd gan riant arall unrhyw farn ar yr Opsiwnau ond roedd eisiau sicrhau y byddai ei dri phlentyn yn aros yn yr un ysgol â'i gilydd.
- Roedd aelod o staff nad yw'n addysgu hefyd yn bresennol ac yn pryderu y byddai ysgol fwy yn etifeddu mwy o blant a fyddai ag anghenion dysgu ychwanegol, gan roi mwy o bwysau ar staff addysgu. Dywedodd fod anghenion disgyblion nad ydynt yn siarad Saesneg yn gallu bod yn heriol a bod y gyfradd symudedd uchel yn gwneud hyn hyd yn oed yn anoddach. Mae hi'n credu y byddai angen mwy o staff mewn rolau cefnogi ar gyfer ysgol fwy. Dywedodd fod mwy o angen ar gyfer cefnogaeth emosiynol disgyblion yn yr ysgol hefyd ac y byddai angen staff ychwanegol ar gyfer hyn hefyd.
- Nododd rhiant fod cyneffindra yn bwysig. Mae ei blentyn yn teimlo'n ddiogel nawr, ac ni fyddai'n dymuno peryglu hynny. Eu pryder o ran Opsiwn 1 yw y bydd yn hynod aflonyddgar i ddisgyblion ac y byddai'r rhai sy'n cael trafferth gyda newid yn ei chael hi'n anodd iawn.
- Mynegwyd pryder ynghylch cymysgu dosbarthiadau ac athrawon newydd o dan Opsiwn 1, yn enwedig i blant ag ADY.
- Roedd y rhieni'n gadarnhaol iawn am ysgol Gladstone ac ansawdd yr addysg y mae disgyblion yn ei derbyn ac yn teimlo y byddai angen i bob opsiwn gadw hyn.
- Roedd rhai rhieni'n teimlo bod Opsiwn 3 yn amharu ar y nifer leiaf o blant.
- Dywedodd un rhiant ei bod hi'n drueni nad oedd opsiwn wedi ei gynnig i ffurfio ysgol newydd ar gyfer y plant ieuengaf, wrth ganiatáu i ddisgyblion presennol Gladstone/Allensbank aros ar wahân.
- Dywedodd rhiant y byddai'n drueni cau'r ysgol a cholli'r hanes - fe aethon nhw i'r ysgol eu hunain fel plentyn.
 - Mae rhieni sy'n fyfyrwyr o'r tu allan i'r DU yn dewis Gladstone yn benodol oherwydd ei henw da gyda theuluoedd eraill y mae eu plant wedi mynychu.



Rhaglen Ysgolion
Cofnod Sesiwn Galw Heibio



Ysgol Gynradd yr Eglwys yng Nghymru Santes Monica 13 Mehefin 2023

Yn bresennol: Rosalie Phillips (RP), Shirley Karseras (SK), Ian Warburton (IW), rhieni Ysgol Gynradd yr Eglwys yng Nghymru Santes Monica

Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.

Cyfarfu nifer o rieni plant sy'n mynychu Ysgol Gynradd yr Eglwys yng Nghymru Santes Monica â swyddogion ynghylch y newidiadau arfaethedig sy'n gwasanaethu'r ardal a chodwyd y pwyntiau canlynol:

- At ei gilydd, roedd y newidiadau a gynigiwyd o dan Opsiwn 1 ac Opsiwn 2 yn gyfle cyffrous i'w hysgol sydd wedi'i gordanysgrifio.
- Mae cynnig ysgol Ffydd yn arbennig iawn ac yn rhywbeth y mae rhieni'n mynd ati i chwilio amdano yn hytrach na mynychu ysgol cyfrwng Saesneg di-ffydd.
- Mae teuluoedd yn dewis mynychu Santes Monica er efallai nad ydyn nhw'n byw mor agos i'r ysgol.
- Mae gan safle a rennir heriau a byddai'r opsiwn o gael eu safle eu hunain, mwy o faint, yn fanteisiol.
- Teimlai nad oedd ganddyn nhw'r hawl i siarad ar ran yr ysgolion eraill mewn gwirionedd ond bod y manteision ariannol sy'n codi o Opsiwn 1 yn haeddu ystyriaeth.
- Mae llawer o ddisgyblion Santes Monica yn mynychu'r ddarpariaeth feithrin yn Ysgol Gynradd Gladstone; byddai cael darpariaeth feithrin yn yr ysgol yn caniatáu i blant ddechrau elwa ar waith da'r ysgol yn gynharach.
- Byddai symud i safle Ysgol Mynydd Bychan yn caniatáu i'r ysgol dyfu, a fyddai'n helpu teuluoedd y gwrthodwyd mynediad iddynt oherwydd eu bod wedi'i gordanysgrifio, ond gan fod y safle newydd hefyd wedi'i gynnwys, gallai ethos ysgol fach Santes Monica barhau.
- Byddai'n gwneud synnwyr i'r ddwy ysgol cyfrwng Saesneg uno gan y byddai'n helpu'r ysgol newydd i greu ei hunaniaeth ei hun fel yr Ysgol cyfrwng Saesneg ar gyfer y gymuned leol.
- Gallai Opsiwn 1 deimlo fel bod Ysgol Gynradd Gladstone yn meddiannu Ysgol Gynradd Allensbank a byddai angen sicrhau nad oedd hyn yn wir.
- Pryder na fydd y newidiadau arfaethedig ar gyfer Ysgol Gynradd yr Eglwys yng Nghymru Santes Monica yn mynd yn eu blaen.
- Byddai eisiau sicrhau bod plant yn deall yn iawn beth oedd yn cael ei gynnig.



**Rhaglen Ysgolion
Cofnod Sesiwn Galw Heibio
Ysgol Mynydd Bychan
09 Mehefin 2023**



Yn bresennol: Rosalie Phillips (RP), Ceri Tanti (CT), Rhian Carbis (RC), rhieni Ysgol Mynydd Bychan

Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.

Cyfarfu pedwar o rieni plant sy'n mynychu Ysgol Mynydd Bychan â swyddogion ynghylch y newidiadau arfaethedig sy'n gwasanaethu'r ardal a chodwyd y pwyntiau canlynol:

- O blaid ehangu'r ysgol gan ei bod wedi'i gordanysgrifio'n hanesyddol. Er nad yw'r ysgol wedi'i gordanysgrifio eleni, efallai fod rhai pobl wedi eu digalonni drwy feddwl na fyddant yn cael lle, a hefyd roedd rhai rhieni â phlant hŷn a oedd wedi methu â chael lle yn yr ysgol yn debygol o wneud cais i'r un ysgol ar gyfer unrhyw blant iau.
- Byddai adeilad newydd yn well. Mae yna safleoedd fel Ty'r Cwmnïau sydd â chymaint o le, a byddai cael rhan o'r safle hwnnw ar gyfer ysgol newydd yn caniatáu gwell lle y tu allan.
- Mae man awyr agored mor bwysig nawr, gyda newidiadau i'r cwricwlwm. Er nad oes gan yr un o'r ysgolion sy'n rhan o'r ymgynghoriad lawer o le awyr agored, mae'r lle yn Ysgol Mynydd Bychan yn ddymunol iawn i'r plant ac yn cael ei ddefnyddio'n helaeth.
- Pam nad ymgynghorwyd ar leoli ysgol cyfrwng Cymraeg ar safle Ysgol Gynradd Gladstone/Ysgol Gynradd yr Eglwys yng Nghymru Santes Monica.
- Byddai safle Gladstone yn anoddach ar gyfer gollwng a chasglu; lleoliad prysurach fel ar gyffordd, gyda thraffig yn dod o sawl cyfeiriad. Yn teimlo y byddai Gladstone yn gyffredinol mewn sefyllfa waeth o safbwynt gollwng a chasglu, pa bynnag fath o ysgol sydd wedi'i lleoli yno. Yn gwerthfawrogi ei bod yn fwy canolog i ddalgyrch Ysgol Mynydd Bychan.
- Pam mai dim ond un opsiwn sydd i Ysgol Mynydd Bychan; mae'n anodd dewis opsiwn a ffeirir, gan eu bod yn cael effeithiau gwahanol ar ysgolion eraill.
- Mae darpariaeth ddysgu awyr agored yn Ysgol Mynydd Bychan yn cynnwys ardaloedd dan do y gall plant eu defnyddio i ddysgu hyd yn oed mewn tywydd gwlyb. Ddim yn credu bod hyn yn wir yn Allensbank - a oes mater sylfaenol a oedd yn atal hyn rhag digwydd, oni ellid addasu'r adeilad i ddarparu hyn?
- Pryderon ynghylch statws rhestredig adeilad Allensbank ac a fyddai hyn yn cyfyngu ar beth allai'r ysgol ei wneud, ac a fyddai costau rhedeg a chynnal a chadw yn uwch.
- A fyddai'r cyllid o £1.8 miliwn sydd ar gael yn ddigon i sicrhau y gallai'r cyfleusterau sydd ar gael yn Ysgol Mynydd Bychan gael eu hefelychu ar safle Allensbank.